



Universitätsbibliothek Paderborn

**Illustrissimi Domini Simonis De Fierlant, Hispaniarum Ac
Indiarum Catholico Regi, In Hispania Ac Belgio, A Concilio
Status, Brabantiae Cancellarii, Catholico Ab Affectu
Tractatus, Quo, Clarissime ...**

Fierlant, Simon de

Coloniæ Agrippinæ

§. 7. Suis ipsius verbis Eruditissimus Pater sui nunc officii amicè monetur.

urn:nbn:de:hbz:466:1-37059

ET INFELIX CONCORDIA. 41

§. 7.

*SVIS IPSIVS VERBIS ERVDITIS-
simus Pater sui nunc officii amicè monetur.*

Hactenus de te, Eruditissime Pater; si ferventius, quam tu voluisses, aut ego pro genio meo, ætate, & dignitate, zelo imputa non minori in me pro causa bona, quam cluxit in te pro non bona. Nunc autem non de te, sed tecum mihi res erit, pace tua, sed breviter, & amicè. Ita enim mihi tecum convénit, & jam inde ab initio capit is ad hoc colloquium tu à me invitatus es, & ego anhelus aspiravi: venio ergo, & horâ condictâ adsum, nec te sollicitet meus adventus, adsum tibi non unguis futurus in ulcere, sed pius monitor & hortator Christianus, & sanè monitoribus istis tempus eger. Quo autem mitius fiant omnia, & majori cum pondere, tuis te verbis potius, quam meis, monere placuit, ita enim natura comparatum est, ut & auribus nostra æquioribus, quam aliena excipiamus, & corrigi sàpè nos facilè pateremur, si id sponte potius nostra, quam alieno fieri impulsu videri possit, & habes id commodi, Pater, ut, si à Bajo-Janseniana factione, saniori demum mente, Catholicorum te in Castra receperis, non id coactus ab aliis, sed tuo ipsis inductus consilio fecisse videare: nam cuius, obsecro, hæc est ad S. D. N. Beatæ Memoriæ CLEMENTEM X. tam Catholica vox? Ecce, Sanctissime Pater, pedibus tuis venerabundi advolvimus, & à nutu

F

tuo

42 TRIUM-VIRORUM VANA

tuo toti pendemus. Quidquid à nobis aut hinc probatum est, aut illinc improbatum, Apostolatui tuo subjicimus; jube nos (ignosce fiducialiter loquentibus, Sacramenti enim religio ac salus populi urget nos) jube corrigere, si quid male sive probemus sive improbemus: quidquid iussiris nihil resistimus; obedientiam, quam tibi multiplici Sacramento debemus, quamque semper religiosè observavimus, & nunc OPERE manifestabimus. Minus nobis operosum erit probato à nobis rigorí aliquid detrahere, ATQUE HUMANÆ INFIRMITATI BENIGNOREM (ut vocant) EX TUO DECRETO OPINIONEM ASSUMERE; neque id ingratum accidet, quoniam & Deum id quoque concedere hinc cognoscemus. Cujus inquam hæc vox est? certe tua, mi Pater, & agnoscis, opinor, adhuc tuam, certè debes; & ego eam ex nuncupatoria tua ad CLEMENTEM epistola fideliter descripsi, qua sanctissimo ejus nomini tuam inscribis de Sacramento Pænitentiæ Theologicam Thesim anni 1676. & tu negare non potes, his ipsis enim verbis cum schola tua universa subscriptus ita legeris Sanctitatis tuae humillimus ac observantissimus filius Frater Ægidius Gabriëlis suo, & Scholæ suæ Theologicæ nomine.

Vides ut Amicè nunc agam? non istius Theseos probra in medium profero, nec eam defendi prohibitam dico à Brabantino Concilio, nec te furtim Distemium fugientem inlequo & prohibitis mercibus manus injicio; omnium possum oblivisci, dum te Apostolicæ Sedi supplicem ex ejus nutu Christianè pendentem intueor: nam hac quidem in-

indole amo te , & hunc tuum animum vel in adversario
semper laudavi , & bona erectus spe depositum nondum
aut desperatum te putavi ægrum , qui tam sanè & Catho-
licè loquereris, si serio tamen , si sine ullo fuko loqueris, si
ita, ut loqueris re ipsa sentis: at qui in eum venisti jam rerum
articulum , ut dissimulare ultra non possis , sed aut sua ver-
bis fides sit præstanda , aut manifestè fatendum factis
fucatisque verbis Pontificiæ Sanctitati ludos fecisse ;
nam tertiam quidem , qua elabarisi , viam præcludit ipsa
tua illa vox aut Catholicî animi vera testis , aut animi
Janseniani mentita larva ; felicem te ! qui ad saniorem fru-
gem redeundi salutarem adeo necessitatem tibi tu ipse inje-
cisti ; quid enim aīs ? pulchriora enim sunt illa verba, quam
ut semel tantum audiantur. *Ecce , SANCTISSIME PATER ,*
pedibus tuis venerabundi advolvimur ; pium me-herculè
spectaculum, & cujus spectatores velim Lovanienses quos-
dam , nec otiosos spectatores , sed æmulos velim & imita-
tores ; & à Nutu tuo toti pendemus ; quid sanctius dici
possit aut magis Catholicum ? quidquid à nobis aut hinc ,
puta in morali Christiana & tutiore, probatum est , aut illinc ,
in morali diabolica & laxiore, improbatum , Apostolatui tuo
subjicimus ; quid autem postea ? jube nos , jube corrigere , si quid
malè , sive probemus , sive improbemus : quidquid jussus nihil
resistimus , id quidem primum est non resistere ; quid præ-
terea ? obedientiam quam tibi multiplici Sacramento debemus ;
optimè : nam plena potest sperari solutio , ubi debitum tam

44 TRIUM-VIRORUM VANA

exactè agnoscitur ; quamque semper religiosè observavimus ,
utinam quidem ! & nunc OPERE manifestabimus : id vero
ipsum est , quod tuis abs te verbis hodiè efflagito ; tu perge
porro , nolim enim te pluribus tam Christianè differentem
interrumpere . Minus nobis operosum erit probato à nobis
rigori aliquid detrahere , atque humanæ infirmitati benig-
niorem (ut vocant) ex tuo Decreto opinionem assumere ; neque
id ingratum accidet , quoniam & Deum id quoque concedere
hinc cognoscemus ; ità qui sentis , verè te subscribis obser-
vantissimum Sanctitatis ejus filium : verumtamen haec tenus
hæc , mi Pater , verba sunt ; aurea illa quidem & Catholico-
rum omnium vocibus deprædicanda , & præ quibus ,
me quidem judice , scripta tua sordent omnia , sed verba
tamen ; ad rem denique veniendum est . Ecce Sanctissi-
mus Pater non quidem CLEMENS X. ad quem scribis , sed
INNOCENTIUS XI. nam id quidem nihil tua interest , qui
non hominem in Clemente , sed JESU CHRISTI Vicarium allo-
quebare ; ecce Mandatum dedit Apostolicum , tu qui à nutu
ejus totus pendes ipso imperante quid agis ? Ecce Moralem
tuam non corrigi jubet , sed penitus tolli ; cave resistas , obe-
dientiam opere manifesta , nec operosum sit probato à vobis
rigori aliquid detrahere , atque humanæ infirmitati benig-
niorem opinionem assumere ; & læto & hilari vultu assume ,
ne ingratum id accidisse putemus , quoniam & Deum id
quoque concedere hinc cognovisti . Viden ut propositi mei
memor non Tolstanorum PP. non Romanorum auto-
ritate



ET INFELIX CONCORDIA.

45

ritate pugnem, non Catholicis eorum Censuris te convin-
cam, non ipso denique Mandato Pontificio nolentem te
cogam, sed amicus horrator tuis te verbis monitum ve-
niā: at profecto non idcirco languidiuscula, aut frigidula
debet videri monitio, imo nescio an non tantō sit haben-
da potentior: nam si meis instarem verbis, urgere fortiter
dicerer, nunc quia tuis tecum verbis pugno jure quodam
exigere videor; quæ enim justior sit aut repulsa securior
postulatio, quam ubi aliud petitur nihil, nisi ut nullo famæ
dispendio, summa nominis tui gloria, tuis tute verbis,
quam debes, fidem præstes: errasti & Jansenianis delusus
ideis cecidisti; quid tum? humanum est cadere, at nolle
surgere, id denique *moralis* est verè *diabolicae*; & vero poteris,
si me, imo poteris, si te ipsum audis, ita tibi surgere gloriosum
censere, ut vix probrosum videatur cecidisse: nec aliis hic
profecto opus est ducibus, quos pænitentes imitere, quam
quos errantes secutus es. Petrus D'Osma, Michaël Bajus
nota tibi & magistralia nomina, illustri observantiae ac Re-
ligionis exemplo prælivere: & Bajum quidem tanti nomi-
nis Doctorem, & Universitatis Lovaniensis eo tempore
Cancellarium, raro pietatis humilitatisque spectaculo fre-
quentissimo Academicorum confessu errores publice suos
ejurantem Schola Theologica (tam Christianam sui victori-
am viro gratulata) admirabunda audivit; nec satis; ne
muris Lovaniensibus hæc tanti facti celebritas concluderet,
& ad exteris etiam, & æternam posteriorum memo-

F 3

riam

TRIUM-VIRORUM VANA
riam pertineret , scripto quoque fidele revocati in me-
lius animi testimonium consignavit.

Macte animis, Eruditissime Pater ad hæc manus exem-
pla poscuntur tuæ ; Christianam Pœnitentis Baji reli-
giosè æmulatus humilitatem, verè nec inani nomine Hu-
millimi *Francisci* de Pœnitentia Religiosum te profitere ;
idque adeo ut facias, vires fac animi omnes intendas, & ex
Toletana Censura, ex Romanis Decretis, ex Mandato Apo-
stolico , ex tuis ipsius ad Pontificem Maximum verbis, ex
tam male ominata Moralis tuæ , sive Christianam , sive
tutiorem vocares, fortunâ, claram tui tot jam ambusti fulmi-
nibus, ac distinctam Ideam concipias : erit illa, mihi crede,
sanioris judicii & Catholicæ magis Theologie principium;
nec gloriosiorem umquam tibi aut utiliorem animæ ideam
habueris : & qui tunc bonorum omnium te amplexus,
qui plausus excipient ? gratulabitur Belgum, laudabit
Hispania, Roma probabit : nam si qui ex Bajo-Jansenianis
tibi tamquam transfugæ oblatrent, iis tu, nil nisi *Augusti-*
nun *occlamantibus*, *Augustini* verbis os occludes , & in
has, in Prologo ad libros retractationum , voces cum glo-
rioso *Augustino* lætus erumpes : qui primas non potuit fa-
pientiæ , secundas habeat partes modestiæ : ut qui non
valuit omnia impœnitenda dicere , saltem pœniteat , quæ
cognoverit dicenda non fuisse : ita de se Hippomensis Anti-
stes , ita tu de te; ut adeo accusare te possit nemo , nisi qui
ante *Augustinum* condemnarit.

CA-